

Сталинъя

УАССР-ысь Ян-Бодья но Игра ВКП(б) райном'ёслэн но райисполном'ёслэн органзы

№ 48 | 1938 ар • 24 май

Витетй
арзэ потэ

КОММУНИСТ'ЕСЛЭН НО БЕСПАРТИЙНОЙЕСЛЭН БЛОК- СЫЛЭН КАНДИДАТ'ЕССЫ

Вань союзной но автономной республикаосын трос калык'ем предвыборной собраниос ортчыло. Рабочийёс, колхозник'ёс, служащийёс, советской интеллигенция Верховной Совет'ёсы депутатэ кандидат'ёсты выдвигать каро.

Избирательной кампания советской калыкез вдохновить кариз социалистической строительстволэн вылесь вормон'ёсаз. Кылзэлэ, мар сярсы верасько предвыборной собраниосын трудящейёс.

Соослэн реч'ёсы родинаез, большевистской партиез, родной но калыклэсь великой вождьзэ Сталин эшез пумтэм ярагонэн звучать каро. Советской калык презрениен но жгучой адземпотоногэмен клеймить каре троцкистско-бухаринской мерзавец'ёсты, асьме родинаез фашист'ёслы вузаны туртт'ёсты.

Умой ульськом асьмеос, но быгат'ёськом асьмеос эшшо но умой улом!

Коммунист'ёслэсь но беспартийнойёслэсь сталинской блоксэс эшшо но эшшо юматыны кулэ, асьме страна-мылэсь но Красной Армиелэсь мощьзэ юматано. РСФСР-лэн но Удмуртской АССР-лэн Верховной Совет'ёсазы рабочийёслэн но Крестьян'ёслэн шудзы понна непоколебимо нур'ясыкис'ёсты бырыны кулэ.

Карашурской лесопунктысь

ужасьёс но служащейёс предвыборной собраниязы РСФСР-лэн Верховной Советаз депутатэ кандидатэн ВКП(б)-лэн Ижевской горкомезлэсь секретарьзэ Анатолий Васильевич Соловьев эшез выдвинуть каризы. Озыик „Молотово“, „Ремесленник“, „Виль улон“ колхоз'ёсысь колхозник'ёс но колхозницаос предвыборной собраниосазы Удмуртской АССР-лэн Верховной Советаз депутатэ кандидат'ёсын: Сергей Афанасьевич Спорыньин, Иван Михайлович Утемов, Вера Степановна Загребина эш'ёсты ог мылкыдын выдвинуть каризы.

Рабочийёслэн, служащейёслэн, колхозник'ёслэн но колхозницаослэн голоссылы, районьсы предприятияосын, учреждениосын, колхоз'ёсын ортчись предвыборной собраниос голоссэс присоединить каро.

РСФСР-лэн но Удмуртской АССР-лэн Верховной Совет'ёсазы быр'ён'ёс исторической нунал — 26 июнь матэ но матэ вуэ. Районысь партийной, комсомольской, советской, профсоюзной но общественной организацииос, актив вылэ опираться кариськыса трудящейёслы Сталинской Конституции зарни букваосын гожтэм советской гражданд'ёслэсь великой правоосэс но избирательной закон'ёсты мур-мур валэктны кулэ.

Выбор'ёслы дасяськон паськыт вёлмытэмын

Игра. Чутырь сельсоветысь колхоз'ёсын бырыськон'ёслы дасяськон паськыт вёлмытэмын. Тужгес ик „Горд пазяли“ колхозын.

Та колхозын конституциосы, РСФСР-лэн но Удмуртской АССР-лэн Верховной Совет'ёсазы быр'ён'ёс сярсы Положениосы колхозник'ёс пöлын изучать карон'я нимаз вис'ям агитатор'ёс ужало.

Колхозной агитатор'ёс: Перовошиков Иван Кузьмич, Малых Андриан, Перовошиков Иван Константинович,

Перовошиков Петр но Перовошиков Николай конституциосы но избирательной закон'ёсты валэктон'я колхозник'ёс пöлын беседаос ортчыл'яло. Бырыськон'ёс сярсы Положениосы изучать карон'я домохозяйкаосын нимаз кружок кылдытэмын.

Колхозник'ёс но колхозницаос жуткем мылкыдын РСФСР-лэн но Удмуртской АССР-лэн Верховной Совет'ёсазы быр'ён'ёс азелы дасясько.

Н. В. Перовошинов.

Кекоранской избирательной округ

„Ремесленник“ колхозысь колхозник'ёс но колхозницаос предвыборной собраниязы Удмуртской АССР-лэн Верховной Советаз депутатэ кандидатэн одйг кылысь

ИВАН МИХАЙЛОВИЧ УТЕМОВ

эшез выдвинуть каризы

Собраниян 55 мурт присутствовать каризы

Удмуртской АССР-лэн Верховной Советаз депутатэ кандидатэн выдвинуть карон сярсы вопросзэ обсудить карыса, колхозник'ёс но колхозницаос Кекоранской избирательной округ'я Удмуртской АССР-лэн Верховной Советаз депутатэ кандидатэн **Утемов Иван Михайлович** 1905 аре вордскемез Якшур-Бодьянской райисполкомлэн председателез лунса ужасез, ВКП(б) членез выдвинуть каризы.

Колхозник'ёс но колхозницаос Утемов эшлэсь Удмуртской АССР-лэн Верхов-

ной Советаз Кекоранской избирательной округ'я депутатэ баллотироваться кариськыны согласие сётэмзэ куро.

Карашурской лесопунктысь ужасьёсын, служащейёсын, „Молотово“ но „Артель труд“ колхоз'ёсысь колхозник'ёсын но колхозницаосын Ижевской сельской избирательной округ'я РСФСР-лэн Верховной Советаз депутатэн **Анатолий Васильевич Соловьев** эшез выдвинуть карем кандидатуразэс, „Ремесленник“ колхозысь колхозник'ёс но колхозницаос ог мылкыдын поддержать каро.

„Ударник“ колхозысь колхозник'ёс но колхозницаос предвыборной собрание люкаськыса ог мылкыдысь Удмуртской АССР-лэн Верховной Советаз депутатэ кандидатэн Кекоранской избирательной округ'я 1905 аре вордскем **Утемов Иван Михайлович** Якшур-Бодьян-

ской райисполкомлэсь председателезэ выдвинуть каризы.

Та колхозысь колхозник'ёс но колхозницаос Утемов эшез Удмуртской АССР-е депутатэн Кекоранской избирательной округ'я баллотироваться кариськыны согласие сётэмзэ куро.

Якшур-Бодьянской избирательной округ

„Виль улон“ колхозысь колхозник'ёс но колхозницаос предвыборной общой собраниязы Удмуртской АССР-лэн Верховной Советаз депутатэ кандидатэн

ЗАГРЕБИНА ВЕРА СТЕПАНОВНАЕЗ

выдвинуть каризы

Собраниян 71 мурт участвовать каризы

20 мае „Виль улон“ колхозысь колхозник'ёслэн но колхозницаослэн общой предвыборной собраниязы ортчиз. Татысь колхозник'ёс Удмуртской АССР-лэн Верховной Советаз депутатэ кандидатэн ваньзы одйг мурт калы асьсэ колхозысь стахановкаез животноводстволэсь мастерзэ **Загребина Вера Степановна** эшез выдвинуть каризы.

„Виль улон“ колхозысь колхозник'ёс но колхозницаос общой собраниязы та же

постановление кутызы:

Удмуртской АССР-лэн Верховной Советаз депутатэ кандидатэн „Виль улон“ колхозысь Якшур-Бодьянской избирательной округ'я животноводствоысь стахановкаез Вера Степановна Загребина эшез выдвинуть кароно.

Общой собрание Загребина эшез УАССР-лэн Верховной Советаз депутатэ Якшур-Бодьянской округ'я баллотироваться кариськыны согласие сётэмзэ куро.

„Совет“ колхозысь колхозник'ёс но колхозницаос предвыборной собраниязы Удмуртской АССР-лэн Верховной Советаз депутатэ кандидатэ наметить карон сярсы вопросзэ обсудить карыса, Якшур-Бодьянской избирательной округ'я Удмуртской АССР-лэн Верховной Советаз депутатэ кандидатэн „Виль Улон“ колхозысь кал кыс-

кись, стахановка Загребина Вера Степановнаез одйг кылысь выдвинуть каризы.

Колхозник'ёс но колхозницаос Я-Бодьянской избирательной округ'я Удмуртской АССР-лэн Верховной Советаз депутатэ баллотироваться кариськыны Загребина Вера Степановназэс согласие сётэмзэ куро.

Ижевской сельской избирательной округ

Якшур-Бодинской районьсь номсомолец'ёслэн общой собраниязы РСФСР-лэн Верховной Советаз депутатэ кандидатэн

АНАТОЛИЙ ВАСИЛЬЕВИЧ СОЛОВЬЕВ

эшез выдвинуть-каризы

Общой комсомольской собраниялэн постановлениысьтыз:

Собраниян 170 мурт участвовать каризы.

РСФСР-лэн Верховной Советаз депутатэ кандидатэн выдвинуть карон сярись уж-пумез эскерьса Якшур-Бодинской районьсь комсомолец'ёслэн общой собраниязы постановлять каре:

РСФСР-лэн Верховной Советаз депутатэ кандидатэн Ижевской сельской избирательной округ'я асьме социалистической странамайлэн ужез понна непоколебимо

сылсь, Ленинлэн-Сталинлэн партиезлэн ужез понна жадьытэк нюр'ясыкись, удмурт калыклэсь яратоно пизэ ВКП(б)-лэн Ижевской горкомезлэсь секретарьзэ, 1906 арын вордскем, 1926 арысен ВКП(б)лэсь члензэ Анатолий Васильевич Соловьев выдвинуть каризы.

Якшур-Бодинской районьсь комсомолец'ёс Ижевской сельской избирательной округ'я РСФСР-лэн Верховной Советаз депутатэ баллотироваться кариськыны Соловьев эшлэсь согласие сэтэмзэ куро.

Утемов Иван Михайловичлэн биографияез

Утемов Иван Михайлович Удмуртской АССР-ысь Пудем районьсь Пудем заводлэн поселоказ средняцкой крестьян семья пöлын 1905 арын вордскис.

Октябрьской революцияз солэн вань улонэз пеймыт но шулдыртэм вал. Няньзы сиыны арысь-аре өз окмылы. Муз'емзы 10 мурт семьялы 6 гектар гинэ вал. Сонн сарен бубынызылы семьязэ сюдыны понна Ир станциясь Омутинской заводэ юрт стружкасты ворттыса улонэлуылз.

Иван Михайловичлэн пичи дырысеныз ик дышетскон мылкыдыз жутскиз. Вить класс'ем начальной школаез азивлыко быдтыса, 1918 арын второй ступени школае дышетскыны пырыз но, сое 1924 арын окончить кариз.

Утемов эцлэн дышетсконэз канчи өз ортчы. Сола дышетскон дыр'яз, няньзы тырмынтэен, выходной нунал'ёсы секыт уж'ёсты быдэс'яно луиз.

Иван Михайлович 1924 арын комсомол радэ пырыз. Комсомолэ пырем бераз солэн дышетскон мылкыдыз уката вылэ жутскиз. Та арын ик Глазовской нырысетй ступенё совпаршколае дышетскыны мына, кудзэ 1925 арын быдтэ.

Со дырысен Утемов эц руководящей, политической, общественной уж'ёсын дугдылытэк ужа. 1925 арын ВЛКСМ-лэн Укомез Зуринской районьсь «Факел» заводэ командировать кариз, кытын комсомольской ячейкалэн секретарез но библиотекарэ лчыса ужа.

Та ужысь со аслаз родинаяз бертыны кариськиз. Со гуртаз бертыса, комсомольской ячейкалэн ужаз активно участвовать каре. Ваньмон дыр'ёсаз сельско-хозяйственной наукасыз изучать карылз. Таин чон ик вань мылкыдзэ поныса сельчан'ёсын гуртаз колхоз кылдытон бордын ужа. Март толэзе 1928 аре солэн кужмо участивныз Пудемын 7 хозяйствоен колхоз кылдыз. Алч

со колхоз будэмын но мощной луэмын ни.

1928 аре Утемов эш Пудемской волостысь парторганизациен ВКП(б) членэ кутэмын. Та арын ик Пудемской волостысь Елово селое избач лчыса ужаны командировать каризы.

1929 аре Пудемьсь парторганизацилэн ячейкаяз секретарен быр'емын. Татың но Утемов эш вань мылкыдзэ поныса ужаз. 1930 арын Сталин эшлэн нимыныз нима (Пудем) колхозлы председателе быр'ё. Председатель лчыса умой ужась Утемов Иван Михайлович, районной партийной собраниян ВКП(б)-лэн Ярской райкомезлы но солэн бюроезлы членэн быр'емын. Нош май толэзе 1931 арын райкомлэн аппаратаз орготделлы заведующее басьтэмын вал.

Татын ужам бераз Утемов эшез ВКП(б)-лэн Удмуртской Обкомез Селтинской парторганизацие командировать кариз, татын со ВКП(б) райкомлы секретарен быр'емын. Секретарь лчыса 1932 арлэн ноябрь-ысеныз 1933 арлэн декабрь толэзяз ужаз. Собиере сое Кезской парторганизацие ужаны ысто. 1935 аре Удмуртской АССР-ысь Совет'ёслэн I тй чрезвычайной С'ездазы ЦИК-лэн членэзлы кандидатэн быр'емын.

Та аре ик Утемов эшез ВКП(б)-лэн Удмуртской Обкомез Якшур-Бодинской парторганизацие ыстыса, татын сое совет'ёслэн уж'ёсазы использовать карыны рекомендовать каре. Якшур-Бодинской районьсь избирательёс Обкомлэсь рекомендацызэ жутскем мылкыдын пумитазы. Утемов эшез Райисполкомлэн председателеныз огкылысь быр'изы. Со дырысь Иван Михайлович жадёназ валатак Якшур-Бодья районьсь Совет'ёслэсь уж'ёссэе умоятон, колхоз'ёсыз большевистской но колхозник'ёслэз закиточной карон понна вань сюлэмзэ поныса ужа.

Иван Михайлович Утемов эш Ленинлэн-Сталинлэн партиезлэн достойной ниез луэ.

„Н—212“ самолетлэн авариез

„Н—212“ самолет Франц Иосифлэн муз'ем вылысьтыз берытске вал. Со 18 мае Архангельск дорысь аэродромысь жутскыкуз катастрофа улэ шедиз. Самолетын вал авиоотрядлэн начальникез Бабушкин эш, самолетлэн командирез Мошковский эш, первой пилот Глушенко эш но мукет'ёсыз—ваньмыз 16 мурт. Самолет жутскем бере ик мотор'ёс пöлысь одйгез ужамысь дугдыз, тыл адскыны өд'яз. Пилот самолетэз луксыны направить кариз. Муз'ем борды шуккиськемез бере самолет нош ик жутскиз, собере шуре усиз. Отчы со кöня ке минут ортчыса выиз.

Катастрофа дыр'я быризы Советской Союзлэн Героиез М. С. Бабушкин, инженер И. И. Жутовский, экспедицилэн врачез Е. М. Россельс но механик К. А. Гурский.

Последней кыкезлэн мугор'ёсы водолаз'ёсын шедьтымтэ на.

Полетлэн мукет'ёсыз участник'ёсыз ранениос басьтйзы. Соослы соку ик медицинской юрттэт сётэмын вал. Соослэн состоянизы удовлетворительной.

Аварилэсь причинаоссэ эскерыны понна Главсевморпутьлэн начальникезлэн заместителез Шевелев эш авария луэм интые мынйз.

Народной Комиссар'ёслэн Советсы экспедицилэсь бырыны шедем участник'ёссэ ватонэз государстволэн счетаз принять карыны но соослэсь семьяоссэс повышенной пенсиин обеспечить карыны пук'йз.

Похорон'ёс Москваын луозы. Соослэн нуналзы сярись нимисьтыз ивортэмын луоз. (ТАСС).

Нимыз гинэ физкультурник

Якшур-Бодья селоын егит калык туж трос. Культурной развлечение өвöлэн соос ваньмон дырзэс мöзмыт ортчыто. Егит'ёс пöлын физкультура но массовой уж вунэтэмын Таин нокин интересоваться кариськись өвöл.

Егит'ёслэн физкультура но спорт ужез заниматься кариськыны мылкыдыз бадзым. Нош соосты та уже организовать карымтэ.

Районной физкультурник Шабалин физкультурной ужез


номыр уг лэсьты. Жыт'ёсы, выходной нунал'ёсы волейболэн шудон'ёс уг луыло. Сыче ик положение колхоз'ёсын но.

Шабалин номыр ужатэк физкультурниклэсь нимзэ гинэ вове. Юнме уждун басьтэ.

Райкомоллы Шабалинэз физкультурной мероприятияы зэмос уж вылын быдэс'яны косоно. Сое куро районной центрысь егит'ёс.

Ардашев но Воробьев

Советской производстволэн выль автобусэз



СУРЕД ВЬЛЫН: 27 местаем комфортабельно оборудовать карем выль «ЗИС-16» автобус, Сталинлэн нимыныз нима Московской автозаводэн серийной производство понна дасямын.

Происшествие

21 мае 3 час уин „Ильинка“ колхозысь (Як-Бодья район Кекоран сельсовет) Вахрушев Ефим Константинович аслэсьтыз кышнозэ Вахрушева Акулина Яковлевнаез тырен кораса вииз.

Вахрушев Ефим преступник арестовать каремын но та уж'я следствие нуиське.

Отв. редактор
А. Г. Веретенников
Поттйсь райисполном.

ЭЭМЕН ЛЫД'ЯНО ÖВÖЛ

Перевозчиков Дмитрий Алексеевичлэсь Шарканской районьсь военной отделэн сётэмьштэм военной билетсэ.